



# ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՈՒՄԻ ԱՐԵՄՍՏԵԱՆ ԹԵՄԻ

**WESTERN PRELACY**

OF THE ARMENIAN APOSTOLIC CHURCH OF AMERICA

**H.E. ARCHBISHOP MOUSHEGH MARDIROSSIAN, PRELATE**

Tel: 818-248-7737/8, Fax: 818-248-7745

E-mail: [Prelacy@aol.com](mailto:Prelacy@aol.com) Website: [www.westernprelacy.org](http://www.westernprelacy.org)



## ԿԼԵՆՏԵՅԼԻ ՈՍՏԻԿԱՆԱՊԵՏ ՏԵ ՓՈՄՓԱ ԵՒ ՕԳՆԱԿԱՆՆԵՐ ԱՅՑԵԼԵՑԻՆ ԱՌԱՋՆՈՐԴ ՍՐԲԱԶԱՆԻՆ

Երեքշաբթի, 17 Օգոստոսի յետմիջօրէին, ժամը 5:30ին, Կլենտէյլի ոստիկանապետ Ռան ՏԵ Փոմփա, ընկերակցութեամբ երկու ոստիկան օգնականներու՝ Թոմ Լորենզի եւ Յարութ Պօզիկեանի, այցելեց Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի կողմէ: Հանդիպումին ներկայ եղան Արժ. Տ. Վազգէն Զինյ. Աթմաճեան, Ազգային Վարչութեան անդամներէն Տեարք Լեւոն Կիրակոսեան, Կարօ Էշկիան, Ճորճ Զօրպաճեան եւ Թորոս Զէչճեան:

Ոստիկանապետն ու ընկերակիցները եկած էին զեկուցում տալու խափանարարական այն դէպքին մասին, որ տեղի ունեցած էր շաբաթ մը առաջ, Ս. Աստուածածին եկեղեցւոյ շրջափակին մէջ. ծանօթ է որ եկեղեցւոյ կողքին կանգնող խաչքարը, որ կ'ոգեկոչէ յիշատակը Հայաստանի մէջ քրիստոնէութեան պետական կրօն հռչակման եւ տեղադրուած էր պատմական դէպքին 1700ամեակին առիթով, մեծապէս վնասուած էր Վիքթոր Փեթրեսքու անունով երիտասարդի մը անպատասխանատու արարքին պատճառով:

Ոստիկանապետն ու օգնականները ներկայացուցին խափանարարին հարցաքննութեան արդիւնքը, ինչպէս նաեւ անոր մասին յաւելեալ տեղեկութիւններ, նշելով, որ Փեթրեսքու չարագործութեան նախընթաց արարքներով արձանագրութիւն ունի ոստիկանութեան մօտ: Թէեւ քննութիւնները կը շարունակուին, սակայն անոր արարքին մղում տուող որոշ կէտեր բացայայտուած են: Ոստիկանութիւնը իր քննութիւններուն ու եզրակացութիւններուն մասին շուտով հաղորդ պիտի պահէ հանրութիւնը:

Առաջնորդ Սրբազանն ու ժողովակիցները յստակ հարցումներ ուղղեցին ոստիկանապետին եւ ընկերակիցներուն, նկատել տալով, որ որոշ տուեալներ ցոյց կու տան, թէ Փեթրեսքուի արարքը կանխամտածուած բնոյթ ունի եւ պատահականութեան, անմիջական հակազդեցութեան մը հետեւանքը չէ: Խորհրդակցութիւն տեղի ունեցաւ նաեւ նման արարքներու մղում տուող այլ պատճառներու մասին, որոնց շուրջ ոստիկանութիւնը կը շարունակէ իր քննարկումներն ու հետապնդումները: Կը թուի, թէ խափանարարութիւնը հետեւանք է ատելութենէ բխող զգացումի (hate crime):

Առաջնորդ Սրբազանը շնորհակալութիւն յայտնեց ոստիկանապետին՝ տարուած աշխատանքին համար, խնդրելով, որ հաղորդակցութիւնները շարունակուին, երբ նոր բացայայտումներ կատարուին: Իր կարգին, ոստիկանապետը շնորհակալութիւն յայտնեց Առաջնորդ Սրբազանին, որ համբերութեամբ եւ լայնախոհութեամբ կը հետեւի այս աշխատանքին:

Աւելի ուշ, Չորեքշաբթի, 18 Օգոստոսի յետմիջօրէին, Առաջնորդ Սրբազանը հաղորդակցութիւն մը ստացաւ ոստիկանապետ Տէ Փոմփայէն, որ հաղորդեց, թէ ոստիկանութիւնը կապ պահած է Լոս Անճելըս գաւառի պետական դատախազութեան հետ ու յստակ դարձած է, թէ այս հարցին հետապնդումն ու քննարկումները պիտի կատարուին իբրեւ »ատելութենէ բխած ոճիր« (Hate Crime):

## **PRELATE MEETS WITH GLENDALE POLICE CHIEF RON DE POMPA**

On Tuesday, August 17<sup>th</sup>, 2010, H.E. Archbishop Moushegh Mardirossian, Prelate, met with Glendale Police Chief Ron De Pompa and Sergeants Tom Lorenz and Harout Bouzikian to discuss the incident last week at St. Mary's Church where a young man by the name of Victor Petrescu was caught vandalizing the cross-stone in the courtyard dedicated to the 1700<sup>th</sup> anniversary of the adoption of Christianity in Armenia.

Joining the Prelate at the meeting were Pastor of St. Mary's Church Rev. Fr. Vazken Atmajian, and Executive Council members Mr. Levon Kirakosian, Esq., Mr. Garo Eshgian, Mr. George Chorbajian, and Mr. Toros Kejejian.

Chief De Pompa and the Sergeants reported on the result of their questioning of the suspect and gave a brief background on the individual, noting that he has been in trouble with the law before and is no stranger to the police. As the investigation continues, the police department will issue a statement on any new information in due time.

The Prelate and guests further discussed details of the case such as if it was premeditated and if it falls under the category of a hate crime.

The Prelate thanked Chief De Pompa and the Sergeants for their time and efforts in pursuing this case, and requested to be kept abreast of new information as the case develops.

On the afternoon of Wednesday August 18<sup>th</sup>, the Prelate learned from Chief De Pompa that the Los Angeles County District Attorney's office has reviewed the case and will make an amendment to reclassify it as a hate crime.